

Abraham Lincoln Toni Kin

Qa Æsop Towoyake Kin.

Abraham Lincoln

TONI KIN,

— QA —

Æsop Tarwoyake Kin.

Life of Abraham Lincoln
and
Æsop's Fables.


SANTEE AGENCY, NEB.:
A. L. RIGGS, Publisher.

1893.

PRINTED BY INDIAN PUPILS OF
SANTEE NORMAL TRAINING SCHOOL
SANTEE AGENCY, NEB. *

Abraham Lincoln Toni Min.

REV. JAMES GARVIE,
Ieska owa.



Digitized by the Internet Archive
in 2012 with funding from

The Institute of Museum and Library Services through an Indiana State Library LSTA Grant

ABRAHAM LINCOLN TONÍ KIN.

Woyakapi kin de token hoksídan onsíka wan icage, qa wicašta token token wawokiya okihi he oyakapi.

Tohan Abraham Lincoln cistinna, hinali waniyetu šakowina, hehan atkuku kin Kentucky makoce kin hetanhan Indiana makoce itokali wiyohpeyata tanhan iyotanke. Hinali heehan makoce kin hena en tuwedan ounyanpi šni. Den tipi iyotan onsíya kağapi kin heca wan ohna un. Tiunnaptanyan kin yamnikiyena kağapi, qa wanji ohna okotonyan he, qa oceti kin hen ohna tankan yanke. Can owinja wanica. Tipi decece cin hena “tipi hankedan” eya cajeyatapi. Qa wakeya ikcewicašta otipi kin hee kaeš iye-

cen wašte śni. Qa tona tipi dececa ohna tipi kin, wokoyake, woyute, qa owinja kin nina hin śicaya unpi ecee.

Abraham Lincoln onśika, cistina ešta tuktektan cōnwancata tipi en wayawapi kin opa ece. Qa he ehan Indiana en wayawa tipi kin owasin cankağa tipi, qa maka oceti tankinkinyan unpi, qa waniyetu eca nina peta kin śda se ocetipi ecee. Hokśidan wayawapi kin iye canihdaksaksapi qa ahipi ecee. Hehan wayawa tipi kin dena can-owinja kin onspe on kakan kamdaskapi ecee unpi. Qa tona waonspekiyapi kin wiza ecepi, qa nina wawitonpapi śni, qa wayawa wicakiyapi owasin cansakadan eceedan on waonspe içiciye wicakiyapi. Waonspekiye dececapi kin hena taku ota sdonyapi śni. Hececa tuka Abraham Lincoln cistinna kin ecadan nape on wowapi kağapi onspe, qa tona okśan tipi qa iye atkuku ko, nina wowapi wicakicicağa ecee.

Lincoln, oun dececa en, wowapi ocaje o-takiya onspe içiciya okihi śni, tuka wowapi tona yuhapi kin hena nina itonpeyahanli yawa ecee, qa hena Wowapi Wakan, Aesop Tawooyake, Cante Teca, Washington Toni kin, qa Henry Clay. Dena akihdehde yawa ihunniye, sanpa wowapi tokeca yawa kta wanice nakaes. Tohan taku iwohdakapi wanji, taku itancanyan cajeyatapi kin okahniġe śni eca, isnana makotahedan un kin hehan, he aiyukcan un, qa token wicoie okahniġi wašte on yutanin kta ohna ehna-ke wacin ecee. De wicotawacin tawa kin wicoie kipi ġca ohna yutanin kta onspeiġiciya; ohanhdeye iġiye wacin kin he iyotan woonspe wašte e ohna onspeiġiciye. Hoksi-dan qa wicinyanna ota woonspe wašte qa wowapi waštešte on onspewicakiyapi šta, tohinni iye wihdukcanpi kta onspepi śni.

Tohan tuwe onśika cin hehan mazaska tonana ešta ota ġca daka ece. Anpetu wan,

Abraham Lincoln, wanna waniyetu akeša-hdogan kin hehantu, Ohio wakpa kin en opta wicašta nom walipaye koya watom peta wata en awicai. Heon wicašta mazaska okise kin heca nom qupi, unkan Abraham nina wiyuŝkin. Hoksídan onśika wan heceli kohanna mazaska ota kamna okihi kin he awacin, unkan taku owasin sanpali wicimdeze seca keya keyapi.

Anpetu kin hena en, Indiana itokağatanhan unpi kin taku mahtipi en icaliyapi kin New Orleans otouwe kin ekta wata ohna ayapi ecee. Wamnaheza, peji, qa mdo hena wata mdaska`tanka en ohnakapi, qa Ohio wakpa kin ohna okalpa ayapi, qa ecen Mississippi wakpa kin en iyohpayapi ecee.

Wata kin dena wanjigji siha iyutapi opawinge hehanhayan hanska kağapi. Decen econpi kin nina oicimani hanske, qa tuktekten wata ayapi kin wata kin ecehna akan

tipi, qa anpetu wakan odota akan yakonpi ecee. Wata kin dena iwatope nina hanska-ska, hecen wicašta nom qa tuktekten tom hehanhanyan akiptan watopapi ecee. Lincoln waniyetu akenapcinwanka hehan, wata kin de wanji aye kiyapi. De toka oicimani sdon-ye, qa makece tankaya wanyanke.

Wanna waniyetu wikcemna nonpa sanpa wanji, qa wicašta icage cin, hehan siha iyutapi šakpe sanpa napahunka iyutapi topa. Atkuku wicašta onšike kin heca, heon ake piya makece teca ektawapa iyo-tanke, qa Illinois makece hetu. De en atkuku cande okiye, qa tipi wan kağapi, qa wamnaheza ojupi okšan conkaške kağe, qa he en tokaheya maliconkaške kasdece. Hehan wokoyake ihdamna kta on okšan tipi kin ecen litani wawokiya omani.

He ehan wiyohpeyata wicašta ounyanpi kin tawokoyakepi owasin iye napepi on kazontapi ecee. Lincoln conkaške opawinge tom

kakse eca minihuha iyutapi wanji kamna ecee. Okinni hanske qa minihuha iyutapi ota onzogeyeye icante síca naceca.

Lincoln inonpa New Orleans ekta wata ohna i, isto kukuše niyake awicaye. Unkan heya oyakapi, wata kin en okaham iye-wicaya okihi šni heon owasin yuwankan otowicakšu keyapi. He hdi kin ohakam malhipi mazopiye wan en mazopiye awanyagkiyapi, qa he en owanjigji yanke cin icunhan nina wowapi yawa ecee. Ís eya wicašta wan Franklin eciyapi kin he iyecece, tukten cistiyedan taku econ šni eca hen taku onspeičiciya ecee. Mazopiye kin de en taku owasin owotanna qa itonpeya econ on yao-nihanpi, qa ohinni hetanhan hecen ecee un. Tohinni hdušna on mazaša šakpe kitanna sanpa icu, unkan, hanyetu tka, tuwe he etanhan ikicu kin he ekta kicicai. Qa akeš iyohakam winyan wan walpe pejuhuta ope-ton unkan tkeutapi cistina, *ounces* eciyapi,

nom yuśna, unkan tehantu eśta ekta mani i qa kicu oyakapi.

Taku wanji nina onspe cin hee cin he iapi oeye owecihan kin hee, hecen wohdaka eca iapi tanyan un kta; tuka on onspeiçi-ciyapi wowapi kin tonana qa tehike. Unkan wicaśta wan maka iyutapi śahdoğan ti qa heca wanji yuha keyapi nañon, unkan ekta mani i, qa okidote, qa on onspeiçiye; qa tohan wanji okalñiğe śni ca, waaia wicaśta wan, mazopiye en hi ecee, iwanğa eca tanyan ecen okiyaka ecee oyakapi.

Omağa 1832 en okicize wan, Cetansapa tokicize eya cajeyatapi, Illinois makoce he-tu, he en Lincoln Cetansapa kize kta e itancankiyapi içiçu. Eya itancankiyapi eśta iye atayedan okicize kin en ope śni. Hececa śta tuktektan owehanhanyan heya ecee keyapi, Cetansapa kiciwecize qa we mayanpi qonhan, eya wohdaka ecee.

Tohan Captain Lincoln Cetansapa kici kicize enakiye cin hehan hdi qa malitipi ma-

zopiye wan opeton, qa New Salem en ti. Tuka koška wan kici mazopiye ehde qon he wašte śni, heon oicazo ota kaġe, a mazopiye kin atakuni śni. De on waniyetu śakpe oicazo yuha un, qa hehanyan token okihi mazaska kin kpatan, qa ecen oicazo qon ataya hdajuju. Hehan akeś, mazopiye he ayuŝtan kin he iyohakam, wowapi ojuju tipi awanyake. Qa de hewoskan wowapi ojuju tipi heca, heon tuwe tawotanin wowapi kaeŝta icu qa odod yawa ecee. Hehan tohan ti iyaza wowapi pamni kta eca, wapaha mahen tanhan ohnake qa iyaza pamni ece.

Hehan akeś okihe, maka iyuta kin heca. Tuwedan onspekiye śni; eya unma woonspe kin hena iyecen iŝ eya iyecinka onspeiiciye. Wicaŝta kin de owotanna ihduhe, qa ohinni wawihaliaye. Wohdaka wayupike, qa wowihaliaya wohdake sa kin hena on oyate ehna wašte dakapi un. 1834 en Illinois makoce kin en woope aiapi ope kiyapi. Un-

kan, tohan wanna iyehantu kin hehan, maka iyutapi opawinge mani i; qa wokoyake tiyata kazunta kaḡapi kin heca tawanji un i. Qa tohan wakiia enakiyapi hehan ake hdi, qa makiyutapi wicolian hduha śkan. Qa heon tohan mazaska iyakiçuya kamna eca on woepe aiapi onspeiçiciye; qa tohan mazaska hdusota eca ake on makiyutapi ehdaku, qa maka iyuta omani ecee.

Omaka 1837 he ehan, Springfield ekta waaia wicolian yuha iyotanke. Hehan makoce toktokeca ecen waaiapi kin hena ecen omani ecee; qa Lincoln hecon, qa ecen wakiia wayupika heca icaḡa. Tohinni woaie wan owotanna śni kinhan, eciyatanhan wawokiye kta cin śni; qaiś wicaśta wan onśika sdonye cinhan tohinni etanhan wokajuju icu kta cin śni, heon jica śni. Lincoln tocantekiye kin un ecaś taninyan on. Anpetu wanji omani ya icunhan, kukuśe wan hdihididan wan en mahen oiçihi śni wanka

e wanyake, qa he icunhan wokoyake teca tawanji un, hecen kukuše upśiza oba kin he otan kta cin śni, qa hecen sam iyaye. Tuka kukuše kin he tawacin kin etanhan token iyaye kta okihi śni, hecen wanna maka iyutapi nom ya tka, śunktanka kin hduhomni, qa kukuše onśike kin he okiye. Iyohakam he ohdake, qa tawacin kin yazan kin he yutokan kta on hecōn keye.

Tobinni wiwazica onśika wan, hekta Lincoln he okiya ece, unkan cinca wan tin wicakte iyaonpapi; qa waaia tipi en waayatanin eciyatanhan, koška kin he witko kicizapi en he wicašta kin kte, keya yūtaninpi, qa tuwe hce owasin koška kin pa yuksapi kta kecinpi. Hehan Lincoln woiwange ohnayan waayatanin kin he tinwicakte wanyake cin he hanwianpa en hecon wanyaka keye, tuka wiya-wapi wowapi wan sicanopiye tanhan ehdaku, qa wicašta kin he ktepi kin he iyehan hanwi tanin śni e wicakipazo; hecen koška kin

tinwicakte śni yawapi. De hecen econ ešta winyan kin etanhan wokajuju icu kta wica-da śni.

Omaka 1846 he en Abraham Lincoln tunkanśidanta wakiiapi ope kta kalniġapi. He icunhan Mexico ekta okicize. Qa anpetu kin hena en itokali makoce kin hena ekta waścun sapa wayaka wicayuhapi kta woiyowinkiye. Waziyatanhan makoce kin hena is en wayaka wicayuhapi kta woiyowinkiye śni; hecen hena makoce tawaiçiya eya cajewicayatapi, qa unma kin hena wayaka makoce eya cajeyatapi. Qa de icunhan woa-
kie wanji tunkanśidan ti en akinicapi; makoce yuŝtanpi śni, *territories*, hena en wayaka yuhapi kte qaiŝ yuhapi kte śni he nina akinicapi. Qa Lincoln heconpi kta iye-cetu śni dake qa cajeyate, hecen ecadan woa-
kinica en tokiyatanhan wawiciye kin tanin. Ecadan tookitanin kin wiyohiyanpata owan-caya sdonypapi, qa hecen Abraham Lincoln,

wowahpanica qa tipi okisedan wan etanhan inape cigon, New York otonwe en, Cooper Institute en wicašta ota ewitayapi en, wohdagkiyapi. Hecen de iwandakapi kte, hoksidan wan cistina ehantanhan taku ke kta owasin token wicoie on tanyan yutanin kta onspeiciciya ecee qon, hee ce wanna ie wayapike qa wicašta waonspeka ota tawoohdake kin nahion ipi ecee.

Tohan, omaka 1860 en, wayaka cinpi šni kin tunkanšidanyanpi wanji kalniġapi kta, unkan wiyoliŋeyata wicašta ota Lincoln he cinpi. He ehan *Old Abe* qaiš *Honest Old Abe* eya cajeyatapi. Abe (Eb) wicalica qaiš Abe wicalica owotanna kin eya cajeyatapi. Tohan wanna Tunkanšidanyanpi cajeyatapi kta mniciyapi kin hehan, Lincoln takodawicaye cin hena koška qehan conkaške kasdece qon nom yuha ipi, qa nina wicota awicašapi.

Lincoln kalniġapi; unma obepi kin kiyu-špeya iyayapi kin heon. De tunkanšidan-

yanpi kaŋinígapi ecehna ahankeya, itokaŋi wicašta om kicizapi kin hee. Okicize kin de on Lincoln teliya un, wicašta owasin taku šni šta on bapi. Hececa šta waniyetu tona okicize kin hena en, wacintanka qa waonšida qa owotanna qa ksape cin on oyate kin qa akicita ecan wacin en yuzapi içicağe. Hehan toka ekta oyate kin deceedan ihnuhannaŋi qaiš iwanunkta-šniyan tunkanšidan-yanpi kaŋinígapi kecinpi. Tuka waniyetu kin hena en wicašta okinihan e ihduotanin, qa tohan okicize kin enakiyapi hehan maka owancaya yuonihanpi.

Okicize tanka kin *wanna enakiyapi hehan oškate tipi wan mahen yanka ecan tin ktepi, April 14, omaka 1865 he en. Qa ktepi kin heon makoce dee qa Europe owancaya on wašihdapi. Cante wowašteda-ke tanka, qa nakun tawacin tanka kin hena on oyate akiceyapi.

Æsop ʒawoyaŋe ʔin.

MISS JENNIE W. COX

QA

MISS EUNICE KITTO.

Ieska owapi.

ÆSOP TOKSAPE KIN.

MNAJA QA HITUNKADAN.

Mnaja wan ístinma wanka tka hitunkadan wan ite kin amanini un qa yulica. Mnaja kin nina canze, qa hitunkadan iyali-paya, qa kte kta tka ican heya, "Nimaya-ye kinhan onsímayada kin on tokata cici-cajuju kte." Mnaja kin iha, qa iyayeya. De iecadan wihui wicašta mnaja yuzapi, qa hahonta on yuskiskitapi. Hitunkadan mnaja hoton kin nahon, qa iyekiya; ekta i qa hahonta kin yapsapsaka. Tohan mnaja iyaye-ya hehan heya, "Ociciye kta ecanmayakin sni, iyaye maye kin he ehan. Tuka mnaja wan hitunkadan wan ee kaeś wacinyan okihi." Tuwedan taku wašte econ kta okitpani eyepica sni.

KEYA QA WANMDI.

Keya wan omašte kin en amašte içiya wanka, qa wicatanktankadan kin iwicakica-pa, tuwedan kinyanpi onspekiye śni heon. Heya yanka ican wanmdi wan en kinyan u; qa nañon, qa malıpiya kin ekta yuwankan aye, qa hehan ayuŝtan, qa iŝ tohan cin ecen okalıbog un kta, qa hecen ecakicon kinhan iŝ token taku qu kta hecinhan he iwanğa. “Mde Śa en taku mahen un kin iyulıpa ciçu kta ce,” keya eya. “Hecen kinyanpi on-speciciye kta,” wanmdi eya: qa ŝake kin on yulıdag yuza qa malıpiya kin ikiyedan ai behan ayuŝtan iyeya. Keya kin lie wan akan hdiłıpayı qa ha kin kaŝuŝıja. Wanna keya țe kta hehan ŝicahowaya qa heya, “Decen munke ŝta de miye miçicağa: ħupahu qa malıpiya kin hena iwamatokiyapa he.”

Wicaŝta token cinpi owasin ecen ecakiconpi kinhan ohna se woŝkiŝke iyahdepi ecee.

ŚUNKTANKA QA SUNGAWANYANKE KIN.

Śungawanyaka wan śunktanka tawa anpetu ihunniyan se kicicakca qa kicicasto ecee. Tka he icunhan akeś wayahota śunktanka yute kte cin qu śni e wiyopeya, qa mazaska e on icu. "Hunhunhe," śunktanka eya, "Tanyan waun kta yacin ĩce kinhan, ota womayaqu kte, qa ninali miyecasto qa miyecicakca kte śni.

Tohan wawoyakiya yacin kinhan woowotan-na ohna ecanon kte.

SUNKA QA IYE NAGI KIN.

Śunka wan tado onśpa yapa cankañonpapi wan opta hda un iye naġi kin mini kin en wan-icĩhdaka, qa śunka tokeca wan tado kitanna tanka yapa ahda kecin. Heon iye yapa ahde cin ayaśtan iyeya, unma tanka kin hee icu wa-cin. Tuka napin hduśna, mini kin en wanyake cin he yapa ahde cin naġi kin hee nakaśi, un-ma is wakpadan kin en okañbog eyaye heon.

Ninali wahduhapi kte ĩce kin he woksape śni.

HITUNKADAN QA SINTEŚDA IHDATAN SA.

Hitunkadan wan taku aguyapi su opiye wan en ti. He iecadan inmuśunka wan hen i sa. Hitunkadan kin nina kope hda qa token econ kte kin sdonye śni. Sinteśda wan ikiyedan ti, he inmuśunka ni un wanjidan kokipe śni, opawinge cen eya nañon he kiksuya. Sinteśda wahaniçi-da kin he wanyag ye, qa inmuśunka kin he napeye śi kta ihdukan. Sinteśda kin oñdoka tawa ohna yanka iyeya, qa śid wohdake, qa okiye kta iwanga. "Heś eca," sinteśda eya, "Token wadimatake cin iyenicece kta wada, qa taku ecanon kte cin kitanyan econ, qa inmuśunka kin en ewacin śni wo. Tokeśta cihakam wau qa najin waye kta." Heye, qa ihdatan sa kin on wanna taku wanji econ, qa on ihduotanin kta kecin. Hecen sinteśda ikiyedan tipi kin owasin mnawicaya, qa wicotapi kin on inmuśunka napeyapi kta kecin. To-

han aguyapi su opiye kin en iyulipa hipi hehan wanna inmuşunka hitunkadan witkotko ke cin yuza iyeyapi. Wancadan inmuşunka hoton tka iyulipa olidoka kin ektakta nakipapi.

Tuwe ihdatan sa kin he wacinyepica śni.

TAJUŚKA QA PSIPSICADAN.

Waniyetu anpetu owaştecaya wan tajuśka mdoketu ehan taku su ekihnakapi kin hena puskiyapi. Psipsicadan akiĥan ęe kte seca wan ican en icahda ya, qa awicakehanĥi woyute onęe wicakida. Hehan tajuśka kin heyapi, "Tokeca unkan mdokehan niś woyute onęe eyehnake śni he." "Taku ecamon ota: anpetu eca dowanpi ecee ecamon," psipsicadan eya. Hehan heyapi, "Niye wacinyaton śni qa mdoketu ihunniyan yadowan hecinhan wote śni waniyetu kin de inunke kta."

Wokuju kin he taku icakijapi kaęa.

WICAHCA WAN CINCA OM.

Wicašta wan cinco koška ota ohinni se kicig unpi. Tohan wakinicapi kin wowahokonkiye on ayuŝtan wicakiya okihi ŝni hehan cansakadan apalitapi wanji huweye wicaŝi. Tohan cansakadan kin ahdipi hehan eyaku, qa koška wanji qu qa yukse ŝi; hecen iciyaza yekiciyapi tuka wanjidan yuksapi okihipi ŝni. Hehan iye eyaku, qa apalitapi kin yujuju, qa otoiyohi cansakadan wicaqu; iyulipa wancake yuksa iyeyapi. Hehan wicoie kin dena ewicakiya, Micinŝki iyulipa tawacin niwanjipidan, qa otoiyohi oyeciyapi kinhan cansakadan apalitapi kin de iyenicecapi kta, qa tona toka niyanpi kin kiunniniyanpi kte ŝni. Tuka iyulipa tawacin niwanjipidan ŝni kinhan, cansakadan kin dena token kohanna duksapi kin iyenicecapi kta.

Tiyohnake tawacin wanjipidan ŝni kinhan, hena wicayuŝicapi tehike ŝni.

WICAHCA QA KOŠKA YAMNI.

Wicalica wan can wan oju koška yamni ican en upi qa ihahapi qa heyapi, “Wanna nikan tka can de oyaju, heon winitkotkoke cin yahdutanin. Can kin de ecadan waskuyeca aicaga okihi šni, qa wanna ecadan ni-
te kte. Niyohakam tuwe tokeca dena on woiyokipi yuhapi kte on iyoniwaja kta ce ituyali decen yaškan he.” Wicalica qon wicohan econ qon yušan qa heya. Mitokam woiyokipi mduhe kte kin wiyeya miciyušanpi heon miš tuwe mihakam u kte cin iye-
cen ecawecon kte he wicohan mitawa. Nakun wiconi de en tohanyan unnipi kte cin sdonunyanpi šni. Niyepi iyulipa eeš mitokam niłapi kta naceca.” Wicalica taku e-
ye cin iyecetu: koška wanji mniwanca ekta i qa minin ła, qa wanji iš okicize opa qa ktepi, iyamni kin iš can wan etanhan ohin-
lipaya qa tahu pakse.

Unkiye unkiśnana awaunkiċiċinpi kte śni
qa nakun tohanyan unipi kte cin sdonunyan-
pi śni he unkiksuyapi kta iyececa.

71. 2009. 084. 10309

